


ჩვენი გაზეთი იუბილარია, 90 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი, გაზეთი „ჩხარის კოლმეურნე“.



# 90 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“  
ვახუშტი ბაგრატიონი

# თერჯოლა

Facebook გაზეთი თერჯოლა  
www.nplg.gov.ge  
www.terjola.gov.ge

საზოგადოებრივი გაზეთი • გამოდის 1933 წლიდან • №22 (7098) 15 ნოემბერი 2023 წელი

## ისტორიული გადაწყვეტილება მიღებულია!



ასე შეაფასა საქართველოს პრემიერ-მინისტრმა მთავრობის ადმინისტრაციაში გამართულ ბრიფინგზე ევროკომისიის გადაწყვეტილება, რომელმაც ევროსაბჭოს მისცა დადებითი რეკომენდაცია, საქართველოსათვის ევროკავშირის წევრობის კანდიდატის სტატუსის მისანიჭებლად.

უდავოა, ეს, ევროპისკენ წინგადადგმული კიდევ ერთი დიდი ნაბიჯი, ქართველი ხალხის, მისი არჩევანის, ჩვენი უცხოელი მეგობრების, სამთავრობო და ევროსტრუქტურების, ყველა იმ მოქალაქის, საზოგადოებრივი ორგანიზაციის თუ ნებისმიერი, ჩვენი ქვეყნისთვის კეთილისმყოფელი პიროვნების დამსახურებაა.

მადლობა მათ ყველას!  
8 ნოემბერს, როცა ევროკავშირის ეს რეკომენდაცია საჯაროდ გაცხადდა, გარკვეული დათქმებით, მაგრამ ჩვენი ქვეყნისათვის მეტად მნიშვნელოვანი ეს ფაქტი მარტო სამადლობელი სიტყვებით არ აღნიშნულა. ევროკავშირის დროშის ფერებში განათდა ქვეყნის მთავარი შენობები, მოეწყო სხვა შესაფერისი სიმბოლური ღონისძიებები.

მომავალში, ევროკავშირის წევრობის გზაზე, ბევრად რთული ნაბიჯებია გადასადგმელი.

იმედი დავიტოვოთ, რომ ჩვენ, ერთად და ერთმანეთის თანადგომით ამას შევძლებთ—დეკემბერში კანდიდატის სტატუსსაც მივიღებთ, შემდგომ კი წევრობისათვის მოსალაპარაკებელ მაგიდასაც მივუსხდებით...


**ამბუბი თერჯოლის მუნიციპალიტეტიდან...**  
☎ 2,3

**ორი თარიღი—წელი 1906 და წელი 1973**  
☎ 4

**მუდმივი განვითარება და ბრძოლა წარმატებისთვის**  
☎ 5

**თოჯინები მოგვითხრობენ უფლებებზე...**  
☎ 6

## საშვილიშვილოდ სასიკეთო საქმე...



ამ დღეებში, სახელმწიფო რწმუნებულმა იმერეთში ზვიად შალამბერიძემ, თერჯოლის მუნიციპალიტეტის მერთან, მანუჩარ რობაქიძესა და საკრებულოს თავმჯდომარის მოადგილეებთან, დავით გოგბერაშვილსა და ჯემალ ისაკაძესთან ერთად, თერჯოლაში მცხოვრებ სოციალურად დაუცველ 10 ოჯახს საცხოვრებელი სახლი გადასცა.

☎ 2



# ამბები თერჯოლის მუნიციპალიტეტიდან...

რუბრიკით: „ამბები თერჯოლის მუნიციპალიტეტიდან“ გათავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

## საშვილიშვილოდ სასიკეთო საქმე...

1



ზვიად შალამბერიძე: „თერჯოლის მუნიციპალიტეტში ოჯახებს კეთილმოწყობილი სახლები გადაეცემა. თერჯოლაში, ჯამში, ჩვენ ამ პროექტის ფარგლებში 29 ოჯახი დაავაკაოფილეთ. მისასალმებელია ის, რომ იმერეთის სხვა მუნიციპალიტეტებშიც შეუერთდნენ პროექტს. წყალტუბოში და ტყიბულმა უკვე გადასცეს სახლები ოჯახებს, რომლებსაც ყველაზე მეტად ჰქონდათ ამის საჭიროება. მომავალ წელს კიდევ უფრო ვაგაფართოვებთ პროექტს და მასში ჩაერთვებიან იმერეთის სხვა მუნიციპალიტეტებიც“.

მანუჩარ რობაქიძე: „თერჯოლის მუნიციპალიტეტში ერთ-ერთი მნიშვნელოვანი და წარმატებული პროექტია სოციალურად დაუცველი ოჯახებისთვის სახლების მშენებლობა, რომელიც „სახლდაზიანების“ პროგრამის ფარგლებში უკვე მეხუთე წელია წარმატებით ხორციელდება. მიმდინარე წელს დასრულდა 10 ახალი სახლის მშენებლობა. პროექტის ღირებულება ნახევარ მილიონ ლარს შეადგენს. მუნიციპალიტეტში, საერთო ჯამში კი, ბოლო 5 წელიწადში საცხოვრებელი სახლებით 29 ოჯახი იქნა უზრუნველყოფილი“.

ეს წარმატებული პროგრამა, რასაც იმერეთში უკვე გაუჩნდნენ მიმდევრები, ითვალისწინებს სოციალურად დაუცველი მოსახლეობისათვის მცირეფართიანი ინდივიდუალური სახლების მშენებლობას ან / და შექმნას, რომელთა საცხოვრებელი სახლები დაზიანების მასშტაბის გამო ექვემდებარება დემონტაჟს.

როგორც ერთ-ერთმა ბენეფიციარმა, ბადრი ბრეგვაძემ აღნიშნა, „ეს არის სიკეთის პროგრამა, რომელიც ოჯახების გაძლიერებას ემსახურება. ჩემი პირადი განცხადების საფუძველზე შესაბამისი კომისიის მიერ მოხდა, საცხოვრებელი პირობების ადგილზე გადამოწმება, დეტალური განხილვა და დავაკაოფილდით კიდევ“.

მაგდა ნიგნაძე: „წლები ვერ შევძლებდი მე ასეთის გაკეთებას ჩემი შვილებისათვის. ვარ უბედნიერესი ადამიანი, რომ ასეთი ულამაზესი კეთილმოწყობილი სახლი გადმოგვეცა და ჩემი შვილებიც არიან უზომოდ გახარებულნი“.

დიდ მადლობას ვუხდით ყველას, თითოეულ მათგანს, ვინც ერთი პატარა, ელემენტარული წვლილი მაინც შეიტანა ამ კეთილ საქმეში“.

ყველა სხვა შემთხვევაშიც მიიმე საყოფაცხოვრებო პირობების მქონე პირთა განცხადებები საცხოვრებელი ფართით უზრუნველყოფის შესახებ ასევე შესაბამისმა კომისიამ შეისწავლა და გადაწყვეტილება დეტალური განხილვის შედეგად მიიღო.

ბენეფიციარებს ახალმოსახლეობა, ხელმძღვანელ პირებთან ერთად, ალისუბნის მაჟორიტარმა დეპუტატმა, ბადრი ბუცხრიკიძემ, ძეგორის, ჩხარისა და გოგნის მაჟორიტარმა დეპუტატმა, მანუჩარ ფანჭულიძემ, ნახშირღელის ადმინისტრაციულ ერთეულში მერის წარმომადგენელმა ზურაბ ლომთაძემ, საკრებულოს წევრებმა და მაჟორიტარი დეპუტატის ბიუროს თანამშრომლებმა მიულოცეს.



## მომავალი საბიუჯეტო წელი ახლოვდება...

**საქართველოს ბიუჯეტი 2024 წელს**  
**28 მილიარდ 500 მილიონი ლარი იქნება**

**საქართველოს ბიუჯეტი 2012 წელს**  
**9 მილიარდი ლარი**

მომავალი საბიუჯეტო წლისათვის მზადება აქტიურ ფაზაშია. საქართველოს მთავრობამ უკვე საჯაროდ გამოაქვეყნა ის ძირითადი პარამეტრები, რომლებიც დიდი ალბათობით, 2024 საბიუჯეტო წლის საყრდენი მაჩვენებლები გახდება, საქართველოს პარლამენტში მისი საბოლოო დამტკიცების შემდეგ. უნდა ითქვას, რომ მომავალი წლის ბიუჯეტი მნიშვნელოვნად მზარდია, რაც შესაბამისად ასახულია გამოქვეყნებულ მაჩვენებლებში.

ამ დღეებში, იმერეთის მუნიციპალიტეტის მერები და საფინანსო სამსახურების წარმომადგენლები მიწვეული იყვნენ საქართველოს ფინანსთა სამინისტროს საბიუჯეტო დეპარტამენტში, სადაც განიხილეს მომავალი საბიუჯეტო წელში მუნიციპალიტეტების საჭიროებებისათვის აუცილებელი ფინანსური მხარდაჭერის მოცულობები, ამ მიმართულებით არსებული პრობლემები და მათი გადაწყვეტის გზები.

თერჯოლის მუნიციპალიტეტს ამ საქმიან შეხვედრაზე წარმოადგენდა თერჯოლის მუნიციპალიტეტის მერი მანუჩარ რობაქიძე და მერიის საფინანსო სამსახური. განხილვას ესწრებოდა იმერეთში სახემწიფო რწმუნებულის მოადგილე ბესიკ გოფოძე.

იმედს ვიტოვებთ, რომ ქვეყნის მზარდი ბიუჯეტი შესაბამისად აისახება თერჯოლისთვის ცენტრიდან მისაღებ ტრანსფერებზე და სხვადასხვა მიმართულებით გადასაწყვეტ პრობლემათა დაფინანსებაში.

## საქართველოს 2024 წლის ბიუჯეტის ძირითადი პარამეტრები

2024 წელს, საქართველოს ბიუჯეტი 28 მილიარდ 500 მილიონი ლარი იქნება. შედარებისთვის - საქართველოს ბიუჯეტი 2012 წელს 9 მილიარდი ლარი იყო.

2024 წელს, განათლებისა და მეცნიერების სამინისტროს ბიუჯეტი - 2 მილიარდ 500 მილიონი ლარი იქნება. სრულ განაკვეთზე მომუშავე მასწავლებელთა ხელფასი საშუალოდ 500 ლარით გაიზარდება.

2024 წელს, ჯანდაცვის სამინისტროს ბიუჯეტი 7 მილიარდ 800 მილიონი ლარი იქნება.

გაიზარდება ჯანდაცვის პროგრამების დაფინანსება და მომდევნო წელს, პენსიონერები მთელი წლის განმავლობაში უფასოდ მიიღებენ ქრონიკული დაავადებების სამკურნალო მედიკამენტებს; დაიწყება ონკოლოგიური პაციენტების ადრეული კვლევების დაფინანსება.

2024 წელს, რეგიონული განვითარებისა და ინფრასტრუქტურის სამინისტროს ბიუჯეტი 3 მილიარდ 400 მილიონი ლარი იქნება. მიმდინარეობს და გავრცელდება გზების, ხიდებისა და მაგისტრალის მშენებლობა, მუნიციპალიტეტებისა და კურორტების ურბანული განახლება. 2024 წელს, 10 ტურისტულ ქალაქში დაიწყება მასშტაბური სამუშაოები, დასრულდება მთავარი მაგისტრალი რიკოტის უღელტეხილზე.

საქართველოს ტერიტორიული მთლიანობისათვის, თავისუფლებისა და დამოუკიდებლობისათვის, ასევე, სამსახურებრივი მოვალეობის შესრულებისას დაღუპულთა ან მიღებული ჭრილობების შედეგად გარდაცვლილთა ოჯახის წევრების კომპენსაცია გაიზარდა 1 000 ლარიდან 1 200 ლარამდე. ასევე გაიზარდება 9 აპრილის მონაწილეთა და პოლიტრეპრესირებული ოჯახის წევრების ყოველთვიური საყოფაცხოვრებო სუბსიდია.

2024 წელს გაიზარდება ყოფილი პოლიციელებისა და ჯარისკაცების პენსიები - ბიუჯეტში გათვალისწინებულია კანონით განსაზღვრული 560 ლარიანი მაქსიმალური ზღვრის გადაანგარიშება 1000 ლარამდე. ასევე, საშუალოდ 20 პროცენტით გაიზარდება ნაშახურების თითოეულ წელზე გათვლილი თანხის მოცულობა.

# ამბები თერჯოლის მუნიციპალიტეტიდან...

## საშემოდგომო ზეიმი ახალ საბავშვო ბაღში

მუნიციპალიტეტის სკოლამდელ სააღმზრდელო დაწესებულებებში საგანმანათლებლო პროექტების ფარგლებში, საინტერესოდ ტარდება საშემოდგომო ზეიმები.



თერჯოლის მუნიციპალიტეტის მერი, მანუჩარ რობაქიძე, საკრებულოს თავმჯდომარის მოადგილე ჯემალ ისაკაძეს და ა(ა)იპ სკოლამდელი აღზრდის მუნიციპალური ცენტრის ხელმძღვანელ მაია თორთლაძესთან ერთად ქალაქ თერჯოლის ახლადდაშენებულ, №3 საბავშვო ბაღში იმყოფებოდა, სადაც ახალრეაბილიტირებულ გარემოში აღსაზრდელების მიერ საშემოდგომო ზეიმი მოეწყო. ზეიმი დატვირთული იყო შემოდგომის მოტივებზე შექმნილი სხვადასხვა საინტერესო აქტივობით.

მკითხველს შევახსენებთ, რომ ქალაქ თერჯოლის მე-3 საბავშვო ბაღი საპილოტე რეგიონების ინტეგრირებული განვითარების ფონდის დაფინანსებით აშენდა და ბაღი 120 აღსაზრდელზე გათვლილი.



## სოფელ ძევრში ახალი საბავშვო ბაღი შენდება

ამ ბაღის მშენებლობას მუნიციპალური განვითარების ფონდი აფინანსებს. ინფრასტრუქტურული პროექტების მონიტორინგის ფარგლებში ამ დღეებში თერჯოლის მუნიციპალიტეტის მერმა, მანუჩარ რობაქიძემ, საკრებულოს თავმჯდომარის მოადგილე დავით გოგბერაშვილთან, ასევე ძევრის, ჩხარისა და გოგნის მაჟორიტარ დეპუტატ მანუჩარ ფანჩულიძესთან ერთად, სოფელ ძევრში ახალი საბავშვო ბაღის სამშენებლო სამუშაოები ადგილზე დაათვალიერა, მშენებელი კომპანიის წარმომადგენელს ესაუბრა და დეტალური ინფორმაცია მიიღო პროექტის ხარისხისა და ვადების დაცვის შესახებ.

პროექტის ფარგლებში აქ 50 აღსაზრდელზე გათვლილი, თანამედროვე სტანდარტების შესაბამისი საბავშვო ბაღი აშენდება, რომელიც ადაპტირებული იქნება შეზღუდული შესაძლებლობის მქონე პირთათვის. დამონტაჟდება ცენტრალური გათბობა და აღიჭურვება თანამედროვე ინვენტარით, გარდა შიდა ინფრასტრუქტურისა, კეთილმოეწყოება საბავშვო ბაღის ეზო.



## რეკრეაციული სივრცის მოწყობა დასკვნით ეტაპზეა

სოფელ ძევრში, მდ. ძევრულას კარსტულ ხეობაში, საპილოტე რეგიონების ინტეგრირებული განვითარების პროგრამის ფონდის დაფინანსებით, რეკრეაციული სივრცის მოწყობა დასკვნით ეტაპზეა.

ამ დღეებში თერჯოლის მუნიციპალიტეტის მერმა, მანუჩარ რობაქიძემ, საკრებულოს თავმჯდომარის მოადგილე დავით გოგბერაშვილთან, ასევე ძევრის, ჩხარისა და გოგნის მაჟორიტარ დეპუტატთან, მანუჩარ ფანჩულიძესთან ერთად მიმდინარე სამუშაოები ადგილზე დაათვალიერა.

ამ დროისთვის საგვარჯილეს მიმდებარე ტერიტორიაზე დასრულებულია გაბიონებისა და მდ.ძევრულაზე გადასახედების, საინფორმაციო ცენტრის, საპიკნიკე ფანჩატურების და გამოქვაბულებამდე მისასვლელი ბილიკის მშენებლობა.

პარალელურად მოეწყო განვანება და პროცესი გრძელდება.

სრიგპ პროგრამის ფარგლებში, აღნიშნული ინფრასტრუქტურული პროექტი მიმდინარე წელს დასრულდება.



## ახალთერჯოლის წყალი...

სოფელ ახალთერჯოლის უწყვეტი წყალმომარაგების მიზნით, წყლის მაგისტრალის სამშენებლო სამუშაოები ინტენსიურად მიმდინარეობს.

მიმდინარე პროცესი, მუნიციპალიტეტის მერმა მანუჩარ რობაქიძემ, საკრებულოს თავმჯდომარის მოადგილე დავით გოგბერაშვილთან, ასევე სიქთარვისა და ახალთერჯოლის მაჟორიტარ დეპუტატ ჯემალ ისაკაძესა და საკრებულოს წევრ ბიძინა ბუცხრიკიძესთან ერთად ადგილზე დაათვალიერა, მშენებელი კომპანიის წარმომადგენელს გაესაუბრა და პროექტის ხარისხისა და ვადების დაცვის შესახებ დეტალური ინფორმაცია მიიღო.

ამ დროისთვის სოფელ ძევრში მიმდინარეობს იმ სათავე ნაგებობისა და სატუმბი სადგურის მოწყობა, საიდანაც უნდა მოხდეს სოფელ ახალთერჯოლისთვის წყლის მიწოდება.

პროექტის ფარგლებში რეაბილიტაცია ჩაუტარდა წყლის ცენტრალურ რეზერვუარს, მოეწყო მიმწოდებელი მაგისტრალები და საქლორატორი.

სასმელი წყლის ცენტრალური ქსელის სამშენებლო სამუშაოები რეგულარულად ადგილობრივი ბიუჯეტის თანადაფინანსებით ხორციელდება, რომლის დასრულების შემდეგ სასმელი წყლით 630 ოჯახი ისარგებლებს.

სამუშაო შეხვედრას ახალთერჯოლის ადმინისტრაციულ ერთეულში მერის წარმომადგენელი, გრიგოლ კუბლაშვილი ესწრებოდა.





# მუდმივი განვითარება და ბრძოლა წარმატებისთვის

2017 წლის 17 ივნისი... ამ დღეს მრავალპროფილიანი სამედიცინო ცენტრი „იმერმედი“ (ახლა იმერეთის სამხარეო სამედიცინო ცენტრი) გაიხსნა. ამ დანახვებულზე პირველი ვრცელი ინფორმაცია 2017 წლის 15 ივლისს მივანოდეთ მკითხველს. ვნერდით, რომ იქ, ერთ თვეში 127 პაციენტმა გაიარა მკურნალობა.

სრული 6 წელი გავიდა მას შემდეგ. ამ პერიოდში ამბულატორიული მკურნალობა გაიარა 18974 პაციენტმა, სტაციონალური 19866 პაციენტმა, უმკურნალეს 4016 კოვიდ პაციენტს.

დამფუძნებლებმა: ვლადიმერ კეპულაძემ, ოთარ მაკარიძემ მაშინ თქვეს, რომ „თერჯოლაში“ კვალიფიციური, ადგილობრივი და მოწვეული სპეციალისტები, მრავალი სახის სამედიცინო სერვისი, საყოველთაო ჯანდაცვის პროგრამაში ჩართვა მნიშვნელოვნად გაუმჯობესდა მოსახლეობის სამედიცინო მომსახურების არა მარტო თერჯოლაში, არამედ მთლიანად იმერეთის რეგიონში. „იმერმედის“ ხელმძღვანელობა ყოველწლიურ ანგარიშს აბარებს მოსახლე-

ობას, ყოველ წელს იყო დაპირებები და შეუსრულებელი არაფერი დარჩენილა. გამართლდა იმედები, გამართლდა დევიზი—მაღალი ხარისხი, კვალიფიციური კადრები, თანამედროვე ტექნოლოგიები, პაციენტებთან ურთიერთობა, ფინანსური და გეოგრაფიული ხელმისაწვდომობა.

„იმერმედს“ ყველაზე მძიმე წლები გადატანილი აქვს, ეს წლები იყო დანაპირების შესრულების, აღიარების მოპოვების წლები. ჩვენ ვაკეთებდით იმ სერვისების ჩამონათვალს, რომლითაც სარგებლობდა, ან ისარგებლებდა მოსახლეობა. ახლა შეგვიძლია რამდენიმე წინადადებაში ჩავატიოთ სათქმელი—აქ ყველაფერია, რაც უნდა ჰქონდეს თანამედროვე სამედიცინო კლინიკას, მაგრამ იქნებ არის კიდევ რამე ისეთი, რომლის დანერგვაზედაც ფიქრობენ იმერმედის ხელმძღვანელები. პატონებს: ვლადიმერს, ოთარს, ქალბატონ სოფიკოს აქვს მხარდაჭერა, რომელიც მოპოვებულია საქმით, კეთებით, შრომით, მრავალი შემომხმების შემდეგ...

## ცვლილებები აკრედიტაცია—ლიცენზირების სფეროში

საქართველოს მთავრობის დადგენილებით ცვლილებები შევიდა სამედიცინო დანახვებულების აკრედიტაცია-ლიცენზირების სფეროში, გამკაცრდა, როგორც მოფუნქციონირე, ისე ახალი დანახვებულების გახსნის რეგულაციები—რაც მოიცავს, კლინიკის აღჭურვას თანამედროვე სამედიცინო აპარატებით, ინფრასტრუქტურით და შესაბამისი მაღალკვალიფიციური კადრებით. მოთხოვნები გაიზარდა პაციენტთა და სამედიცინო პერსონალის უსაფრთხოების და სანიტარული დაცვის მიზნით.

## იმერმედის განაცხადი

ამ რეგულაციების შესაბამისად იმერმედმა მიმდინარე წლის 25 ივლისს ჯანდაცვის სამინისტროში გააკეთა განაცხადი ახალი მოთხოვნების შესაბამისად, ნებართვების განახლების შესახებ.

შემონების მასალების მიხედვით, იმერმედმა დააკმაყოფილა კანონმდებლობასთან შესაბამისი ყველა მოთხოვნა და 2023 წლის 2 ოქტომბერს მიეცა უფლება ახალი სტანდარტების მოთხოვნების შესაბამისად გააგრძელოს საქმიანობა.

ეს უდიდესი წარმატებაა, ეს არის მუდმივი განვითარება.

სამედიცინო და ფარმაცევ-

ტული საქმიანობის რეგულაციების სააგენტოდან არის ასეთი ბრძანება—იმერეთის სამხარეო სამედიცინო ცენტრზე გაცივს ნებართვა საქმიანობაში—რეანიმაციული მომსახურება—ინტენსიური მკურნალობა—მოვლა I-II-III დონე. ნებართვა საქმიანობაში—ქირურგიული მომსახურება II-III დონე.

## მთავარია სიცოცხლის გადარჩენა

რამდენიმე თვეა კლინიკა იმერმედს შემოუერთდნენ ექიმები, რომლებმაც ურთულესი ოპერაციები ჩაატარეს დადებითი შედეგებით, ასეთი ოპერაციები კეთდება დიდი მასშტაბის კლინიკებში, ასეთი ოპერაცია ჩატარდა იმერმედში, ეს დიდი ფუფუნებაა.

\*\*\*

მიმდინარე წლის ოქტომბერში კლინიკა „იმერმედის“ ემერჯენსის განყოფილებაში სასწრაფო სამედიცინო დახმარების ბრიგადამ ავტოსაგზაო შემთხვევის შედეგად დაზარალებული პაციენტი შემოიყვანა. იგი იყო უგონო, კრიტიკული მდგომარეობით. განყოფილებაში მას გაენია მყისიერი, ადექვატური დახმარება. მოხდა დიაგნოზის ვერიფიცირება დიაგნოზით—გულმკერდის დახურული ტრამეა, მარჯვნივ შვიდი ნეკნის მრავალფრამენტული მოტეხილობა, მარჯვენამხრის ტრამეული, ჰემოპნევმოთორაქსი, ჰემოპერიკარდიუმი. პაციენტს ჩაუტარდა თორა-



ავთანდილ ცხადიაშვილი



გივი კოჭლამაზიშვილი



ტიარიელ კუხიანიძე



სალომე რობაქიძე

კოტომია, პერიკარდიოტომია, პულმონორაფია, პლევრის ნაწილობრივი დეკორტიკაცია, მარცხენა იდაყვის და წინამხრის დამსხვრეული ძვლების ოსტეოსინთეზი.

ოპერაციის შემდგომი პერიოდი რეანიმაციულ განყოფილებაში წარიმართა მაღალკვალიფიციურად, ხანგრძლივი ბრძოლის და მკურნალობის შემდეგ მიმდინარეობს მზაობა პაციენტის ბინაზე განვრის.

## ექიმები, რომლებმაც ეს სიცოცხლე გადაარჩინეს

რეანიმაციის დეპარტამენტის ხელმძღვანელი რეანიმატოლოგ-ანესთეზიოლოგი გივი კოჭლამაზიშვილი, რეანიმატოლოგ-ანესთეზიოლოგი, მედიცინის მეცნიერებათა დოქტორი ტარიელ კუხიანიძე, რეანიმატოლოგ-ანესთეზიოლოგი სალომე რობაქიძე, ქირურგიული დეპარტამენტის ხელმძღვანელი ავთანდილ ცხადიაშვილი, ზოგადი ქირურგი, თორაკოქირურგი კონსტანტინე კარანაძე, ორთოპედ-ტრამვატოლოგი გიორგი ფუტყარაძე.

\*\*\*

ქირურგიული დეპარტამენტი ახორციელებს როგორც მწვავე, ისე გადაუდებელ და გეგმიურ ოპერაციებს. 750 პაციენტს ჩაუტარდა კორონაროგრაფია და 500 პაციენტის სტენდირება.

## და, ეს ყველაფერი არ არის

ნევროლოგიური განყოფილება: ახალი რეგულაციების




კონსტანტინე კარანაძე

ექიმი, ახლახან კლინიკას შემოუერთდა რევმატოლოგი არჩილ არუშიძე.

„იმერმედი“ თერჯოლის მუნიციპალიტეტის მერიისა და საკრებულოს მხარდაჭერით ჩართულია დიაბეტის მართვის სახელმწიფო პროგრამაში, რომელიც ითვალისწინებს ლაბორატორიულ კვლევებსა და სპეციალისტთა კონსულტაციებს თანადაფინანსებით.

კლინიკაში შესაძლებელია მაღალტექნოლოგიური და ლაბორატორიული კვლევების ჩატარება 24/7.

დიალეზის ცენტრი, სტომატოლოგიური კაბინეტი, ინფექციური განყოფილება, ფსიქიატრული და კლინიკაში არსებული ყველა განყოფილება სრული დატვირთვით მუშაობს.



\*\*\*

არის თერჯოლაში, ქალაქის ცენტრში, კლინიკა „იმერმედი“, იგი ტაძარს გადაჭყურებს, კლინიკაში შესული თითოეული თანამშრომელი, პაციენტი, მათი ახლობლები პირველის გადასახვით აძლიერებენ და თავს უყრიან უმთავრეს სულიერ ძალებს, რაც კარგად ვლინდება პაციენტთა განკურნებისათვის თავდაუზოგავ მცდელობაში... უფლის-მიერი ნათელი და მოწყალების ღვთაებრივი ნაკადული უხვად გადმოდის მლოცველზე.

შუშუნა ცხადაძე



# თოჯინები მოგვითხრობენ უფლებებზე...

„მადლობა USAID-ის სამოქალაქო განათლების პროგრამას, რომ მომცა საშუალება წარმოეჩინა ჩემი მოსწავლეების შესაძლებლობები განსხვავებული ფორმით“ — ელისო ჩიქოვანი, სოფელ ღვანკითის სამოქალაქო განათლების პედაგოგი.

ყველაფერი კი ასე დაიწყო: სსიპ გურამ ქარქაშაძის სახელობის ღვანკითის საჯარო სკოლაში, ჯერ კიდევ გასულ სასწავლო წელს, დაიწყო განხორციელება მცირე საგრანტო კონკურსში გამარჯვებული პროექტისა, რომელსაც ჰქვია „თოჯინები მოგვითხრობენ უფლებებზე“.

პროექტის მიზანია, როგორც „თერჯოლასთან“ პროექტის ხელმძღვანელი სამოქალაქო განათლების პედაგოგი ელისო ჩიქოვანი ამბობს, მოსწავლე-ახალგაზრდობის სამოქალაქო ცნობიერების ამაღლება, მათთვის ბავშვთა უფლებებისა და მოვალეობების არასტანდარტული ფორმით მიწოდება, პროექტის განხორციელებაში სწავლების ფორმალური და არა-ფორმალური ელემენტების მიზნობრივი შერწყმა. პროექტის ფარგლებში სკოლის საბაზო და საშუალო საფეხურის მოსწავლეები შეისწავლიან თავიანთ უფლებებსა და მოვალეობებს, ხოლო შემდეგ ამ ყველაფერს გადასცემენ თავიანთ პატარა მეგობრებს, უმცროსკლასელებს მათთვის ყველაზე სახალისო ფორმით — თოჯინების თეატრის საშუალებით.

„აღბათ ბევრს გაუკვირდება რა შუაშია თოჯინები სამოქალაქო განათლებასთან. ჩვენი პროექტის მიზანაც სწორედ ეს იყო, რომ განსხვავებული სახალისო ფორმით აგვემალეებინა მოსწავლეებ-

მხატვრობის ნიჭით დაჯილდოებულმა გივი ნაქაძემ. მან თითოეული დეტალი ზედმინევით ზუსტად მოარგო სცენარს. დეკორაციებმა, ისე როგორც მთლიანად თეატრმა დიდი შთაბეჭდილება მოახდინ-

რებმა გიორგი ზარნაძემ, თიკა კოვზირიძემ, ია ყვავაძემ, ანამარია რობაქიძემ და ნიკა კუპატაძემ კიდევ ერთხელ წარმატებით წარმოადგინეს ბავშვთა უფლებების თემაზე დადგმული თოჯინების სპექტაკლი მაყურებელთა წინაშე. თოჯინების სპექტაკლს ესწრებოდნენ პედაგოგები, მოსწავლეები, მშობლები და მონვეული სტუმრები: მაია რობაქიძე, დარეჯან მემანიშვილი, ნანა თოთაძე — სამოქალაქო განათლების პროგრამის რეგიონალური ორგანიზაციის ხელმძღვანელი, ქრისტიანე ჩიხლაძე — რეგიონალური ორგანიზაციის პროექტების კოორდინატორი, ნუცა მაისურაძე — USAID-ის სამოქალაქო განათლების პროგრამის



ში ცნობიერება ადამიანის და ბავშვთა უფლებების შესახებ. პროექტის ფარგლებში დაგეგმეთ ბევრი საინტერესო აქტივობა, მოსწავლეებმა გაიარეს ტრენინგები ადამიანის და ბავშვთა უფლებების შესახებ. მოვიწვიეთ რეჟისორი გამოცდილების გაზიარების მიზნით, ასევე ხელოვნების გაკვეთილებზე მოსწავლეებმა შექმნეს თოჯინები და მოაწყვეს მოძრავი სცენა, მოვამზადეთ სცენარი, გავანალიზეთ როლები, მუსიკის გაკვეთილებზე მუსიკალურ ვაფორმებზე იზრუნეს და საბოლოო ჯამში მივიღეთ შედეგი: გავმართეთ თეატრალური წარმოდგენა — ამბობს პროექტის ავტორი.

ნეს დამსწრე საზოგადოებაზე. სცენისთვის ფარდები მასწავლებელმა ნანა ტყემალაძემ, თოჯინები ხელოვნების პედაგოგთან ერთად, მკერავთან კონსულტაციის შემდეგ შეკრეს სკოლის სამოქალაქო კლუბის წევრებმა: ქრისტიანე კუბლაშვილმა, ნინი ასათიანმა, ანანო გავაშელაშვილმა და მერვე კლასის მოსწავლემ თეკლა ბუსკივაძემ. გრაფიკულ დიზაინზე იმუშავა სამოქალაქო განათლების კლუბის ლიდერმა ლიკა ცერცვაძემ, რომელმაც საინტერესო და ორიგინალური ფორმით წარმოადგინა პროექტის პრეზენტაცია. ღონისძიებას მეთავე კლასის მოსწავლე ნინი გავაშელაშვილი უძღვებოდა.

სკოლაში გამართულმა თოჯინების თეატრმა მაყურებელთა დიდი მოწონება დაიმსახურა. ეს მხოლოდ დასაწყისია...

### პროექტის დასკვნითი ღონისძიება

სსიპ ღვანკითის საჯარო სკოლაში ინტეგრირებული პროექტის „თოჯინები მოგვითხრობენ უფლებებზე“ დასკვნითი ღონისძიება გაიმართა.

ღონისძიების წამყვანმა ლიკა ცერცვაძემ და ნინი გავაშელაშვილმა დამსწრე საზოგადოებას პრეზენტაციის სახით წარუდგინეს ინფორმაცია პროექტის ფარგლებში დაგეგმილი და განხორციელებული აქტივობების შესახებ.

დასკვნითი ღონისძიებაზე სამოქალაქო კლუბის წევ-

რებმა გიორგი ზარნაძემ, თიკა კოვზირიძემ, ია ყვავაძემ, ანამარია რობაქიძემ და ნიკა კუპატაძემ კიდევ ერთხელ წარმატებით წარმოადგინეს ბავშვთა უფლებების თემაზე დადგმული თოჯინების სპექტაკლი მაყურებელთა წინაშე. თოჯინების სპექტაკლს ესწრებოდნენ პედაგოგები, მოსწავლეები, მშობლები და მონვეული სტუმრები: მაია რობაქიძე, დარეჯან მემანიშვილი, ნანა თოთაძე — სამოქალაქო განათლების პროგრამის რეგიონალური ორგანიზაციის ხელმძღვანელი, ქრისტიანე ჩიხლაძე — რეგიონალური ორგანიზაციის პროექტების კოორდინატორი, ნუცა მაისურაძე — USAID-ის სამოქალაქო განათლების პროგრამის

გრანტების კოორდინატორი. პროექტის გეგმით განხორციელებული აქტივობა შეაჯამეს: სკოლის დირექტორმა ინგა ჯალიაშვილმა, მეორე საჯარო სკოლის სამოქალაქო განათლების ექსპერტმა სოფო სიუკავამ, რესურსცენტრის ხელმძღვანელმა ქეთევან შეყრილაძემ, მამა ანდრია ყიფიანმა, ქართული ენისა და ლიტერატურის მასწავლებელმა მადიმ დოლაკიძემ, სტუმრებმა: ლანა თოთაძემ, ქრისტიანე ჩიხლაძემ და ნუცა მაისურაძემ, მოსწავლე-ახალგაზრდობის მუნიციპალური ცენტრის ბავშვთა უფლებების დაცვის კლუბის ხელმძღვანელმა ნათია გამყრელიძემ, მოსწავლეთა მშობლებმა ირინა ხუჯაძემ და ნათია სიხარულიძემ.

ყველა მათგანმა მაღალი შეფასება მისცა პროექტს და მადლობა გადაუხადეს როგორც პროექტის ავტორსა და

სულისჩამდგმელს, ასევე მოსწავლეებს, რომლებიც აქტიურად მონაწილეობდნენ პროექტის ფარგლებში დაგეგმილ აქტივობებში.

### წლის შემაჯამებელი ღონისძიება ქუთაისში

შემდეგი იყო იმერეთი, ქუთაისში USAID-ის სამოქალაქო განათლების პროგრამის წლის შემაჯამებელი ღონისძიება...

პროგრამა პარტნიორმა სკოლამ იმერეთში სსიპ გურამ ქარქაშაძის სახელობის თერჯოლის მუნიციპალიტეტის სოფ. ღვანკითის საჯარო სკოლამ გახსნა წლის შემაჯამებელი ღონისძიება ფორუმ თეატრის ჩვენებით, თემაზე „რა არის სამოქალაქო განათლება?“ — პედაგოგი ელისო ჩიქოვანი.

„USAID-ის სამოქალაქო განათლების პროგრამის“ წლის შემაჯამებელი ღონისძიების ფარგლებში შეჯამდა პროგრამის ერთწლიანი სამუშაო ეტაპი.

იმერეთის რეგიონის მოსწავლეებმა წარმოადგინეს მათ მიერ განხორციელებული პროექტების პრეზენტაციები (კერძოდ, სკოლების სამოქალაქო განათლების კლუბების, მოსწავლეთა თვითმმართველობების, საგრანტო კონკურსისა და კერძო სექტორის ჩართულობით განხორციელებული პროექტების პრეზენტაცია).

მოენყო საგამოფენო სივრცე, სადაც ასახული იყო სკოლების მიერ წლის მანძილზე განხორციელებული პროექტები.

პროგრამის რეგიონალურ შემაჯამებელ ღონისძიებას 300-მდე ადამიანი — იმერეთის 93 სკოლის, PH International — საქართველოს და პროგრამის პარტნიორი ორგანიზაციების წარმომადგენლები, ასევე იმერეთის 12 მუნიციპალიტეტიდან საგანმანათლებლო რესურსცენტრების ხელმძღვანელები, მუნიციპალი-

ტეტის მერიის საკრებულოსა და ბიზნეს სექტორის წარმომადგენლები დაესწრებიან.

USAID-ის სამოქალაქო განათლების პროგრამის მიზანია მაღალი მოქალაქეობრივი შეგნების, სამოქალაქო პროცესებში ჩართული ახალგაზრდების აღზრდა. პროგრამა ითვალისწინებს ტექნოლოგიების დანერგვას სამოქალაქო განათლების სწავლა-სწავლების პროცესში, სკოლაში დემოკრატიული კულტურის განვითარების ხელშეწყობას, ბიზნესისა და სკოლების დაკავშირებას...

პროგრამას ახორციელებს ამერიკული ორგანიზაცია PH International ამერიკის შეერთებული შტატების საერთაშორისო განვითარების სააგენტოს (USAID) დაფინანსებით და საქართველოს განათლებისა და მეცნიერების სამინისტროს მხარდაჭერით. სამეცნიერო ინტელექტუალური კლუბი „თაობათა დიალოგი“ წარმოადგენს პროგრამის რეგიონალურ პარტნიორ ორგანიზაციას იმერეთში.

მადლობა სამოქალაქო განათლების და მოსწავლეთა თვითმმართველობის წევრებს: გივი ნაქაძეს, ქრისტიანე კუბლაშვილს, თეკლა ბუსკივაძეს, ნიკა კუპატაძეს, ია ყვავაძეს, თიკა კოვზირიძეს, ანამარია რობაქიძეს, გიორგი ზარნაძეს დაულალავი და ენერგიული შრომისათვის...

მადლობა სკოლის დირექტორს და პედაგოგიურ კოლექტივს ხელშეწყობისათვის და გვერდში დგომისათვის“.

ასეთია რეგიონალური ორგანიზაციის შეფასება და განწყობის გამოხატვა. ასეთია ზოგადად პროგრამის ერთწლიანი სამუშაო ეტაპი. პროგრამა გრძელდება, შემდგომი შეჯამება ქ. თბილისში მოხდება.

წარმატებებს ვუსურვებთ ღვანკითის საჯარო სკოლას, სამოქალაქო განათლების კლუბის წევრებს და მათ ხელმძღვანელს ახალგაზრდა, პერსპექტიულ ენერგიულ და აქტიურ პედაგოგს ელისო ჩიქოვანს... ნინ არაერთი ღამე-ზი პროექტი, ღონისძიება და გამარჯვება...

ზაია ცაიფურიშვილი



# შემოდგომის თვეების გენიოსები



შემოდგომის თვეებს ბევრი გამოჩენილი ღირსეული ქართველის დაბადების დღე ამშვენებს. რომელი ერთი ჩამოვთვალოთ: ილია ჭავჭავაძე, დავით კლდიაშვილი, გალაკტიონ ტაბიძე, მურმან ლებანიძე თუ მრავალი, მრავალი სხვა...

ამჯერად გალაკტიონ ტაბიძეზე მოვიხილოთ, რომელიც 1891 წლის 17 ნოემბერს დაიბადა ახლანდელი ვანის რაიონის სოფელ ჭყვიშში.

სულ მინდოდა რაიმე დამეწერა, უფრო სწორად — გამოეხატა დიდი სიყვარული მისდამი. კალამს ვერ ვკიდებდი ხელს რიდით. გალაკტიონი ხომ მოვლენაა არა მარტო ქართულ პოეზიაში!

ასე, რომ სურვილი სურვილად დამირჩა, ვერა და ვერა, ვერ შევძელი. არ მეთაკილება ამის აღიარება.

ბედად ასევე დიდი მწერალ-მემატინანის კონსტანტინე გამსახურდიას კალამს ვუმაძლი, რომ შესაძლებელს მიხდის პოეზიის მოყვარულ მოსწავლე-ახალგაზრდობას ჩავავლებინო თვალი მისეულ სიყვარულით გამთბარ სტრიქონებს: „მე

არაერთხელ გამღვიძებია ღამით და გალაკტიონი მომლანდებია. აქამდე ვერ მიპატიებია ჩემი თავისთვის ერთი ამბავი: ირაკლი აბაშიძე, სერგი ჭილაია და მე სამკურნალო კაბინეტში შევდიოდით შალვა დადიანის გამოსასვენებლად. გალაკტიონი ერთ კუთხეში იდგა, დამინახა თუ არა წამოვიდა და კოცნა მიმინდომა, მე მას არ ვაკოცე და ცივად გავეყარე, დიდხანს არ გამაჩეროს მეთქი. ეს დამრჩა სანანებლად მთელი ჩემი სიცოცხლის მანძილზე, რომ მე არ მეყო შორსმჭვრეტელობა და მასთან არ დავყოვნდი იმ დღეს. მერმე ის იყო, იმ დღეს დაგვეღუპა გალაკტიონი. ჩვენი სასიქადელო დიდი გალაკტიონი“.

ყოველი შემოქმედი თავისებურად იტანჯება, ყოველ ჩვენგანს ათასი დემონი უღადრავს გულს, მაგრამ ვიმეორებ კულტურა სულისა ეგ არის ვნებათა დაოკება. როცა გალაკტიონის გული გაკვეთეს ექიმებმა, ჭაბუკური სიჯანსაღის აღმოჩნდა ეს გული.

## ქეთი ბერძენიშვილი

ქართულ მედია საზოგადოებას ღირსეული და გამორჩეული წევრი გამოაკლდა. ხანგრძლივი ავადმყოფობის შემდეგ გარდაიცვალა ჟურნალისტი და სამოქალაქო აქტივისტი ქეთი ბერძენიშვილი. ქეთიმ 1995 წელს, ქუთაისში, დააფუძნა რადიო „ძველი ქალაქი“. 2004 წლიდან კი რადიო „ძველ ქალაქთან“ თანამშრომლობის ფარგლებში, ქუთაისიდან ამზა-



დებდა რეპორტაჟებს „რადიო თავისუფლებისთვის“. 2017-2020 წლებში „რადიო თავისუფლების“ კორესპონდენტი იყო, აშუქებდა სოციალურ და პოლიტიკურ საკითხებს.

ქეთის უყვარდა ის საქმე, რასაც რამდენიმე ათეული წელი ერთგულად ემსახურა. იგი იყო თავისი ქვეყნის და მშობლიური ქალაქის ჭეშმარიტი პატრიოტი, ყოველთვის იდგა იქ, სადაც ფიქრობდა და ჯეროდა, რომ მისი ხმა მნიშვნელოვანი იყო...

კარგად გვახსოვს ქეთის პირველი ნაბიჯები ჟურნალისტიკაში. მისი თბილი და საოცრად ყურადღებიანი დამოკიდებულება კოლეგებთან, საერთოდ ადამიანებთან. ის მუდამ განონასწორებული იყო თავის შეფასებებში. უშიშარი, ბრძოლისუნარიანი, პრინციპული, მუდამ მომღიმარი და საოცრად პოზიტიური—სწორედ ასეთად დარჩება ყველასთვის, ვინც კი მას იცნობდა...

ღრმა მწუხარებას გამოვთქვამთ ქეთი ბერძენიშვილის გარდაცვალების გამო, თანაუგრძნობთ ოჯახს, მეუღლეს და შვილებს, საახლობლოს, კოლეგებს.

გაზათი „თარჯოლა“

ბ ----  
ა ----  
ლ ----  
ა ----  
კ ----  
ტ ----  
ი ----  
ო ----  
ნ ----  
ბ ----  
ა ----  
ბ ----  
ი ----  
ქ ----

ჩვენს მოსწავლეებს, პოეზიის მოყვარულთ ვთავაზობთ კროსვორდს.

მიზანი?

კიდევ ერთხელ გადავფურცლოთ დიდი პოეტის კრებული, კიდევ ერთხელ ვიგემოთ მისი პოეზიის სიტკბო.

დავალბა ასეთია: ყოველი ბგერის გასწვრივ დანერეთ გალაკტიონ ტაბიძის ლექსების სათაურები.

### გალაკტიონის აჩრდილი ეძღვნება დიდ პოეტს

ქარი ჩამდგარა, მუხლი შეუსვენებია „მერის თვალებია?“ თუ „ლურჯა ცხენებია?“ როგორც „მე და ღამე“, როგორც „ელეგია“ ღრუბელი გაფანტულა—მთანმინდას შერევი... ზეცაში მგ ზავრობს პოეტის სული მეგზურათა ჰყავს „მთანმინდის მთვარე“ ვერა, ვერ მოვრჩი პოეტის კითხვას გალაკტიონი ვერ დავამთავრე...

კროსვორდის პასუხები: ვა-ვიდა ხანი, ატმის ყვავილები, ლურჯა ცხენები, არ ღირს იმ ერთ ცრემლად, კაკლის ხე მთანმინდაზე, ტალახში, იმ ატმებს გაუმარჯოს, იმ ატმის ყვავილებს; ორი ზარი, ნუ მიატოვებ ლექსს უთვისტომოდ, ტროლები, არწივებს ჩასძინებოდათ, ბედს იქით, ისევ ეფემერა, ძველი, ეს მშობლიური ქარია.

მომზადდა ნუზხარ გამყრელიძემ


## გასული საუკუნის, პირველი ნახევრის ქართველი პოეტებისა და მწერლების უნიკალური ჯგუფური ფოტო გალაკტიონის კომენტარით



1957 წლის 20 ნოემბრის ღამეს გალაკტიონმა ამ ფოტოს შესახებ თავის დღიურში ჩანერა:

„აკაკი ჯოხზეა დაყრდნობილი. სახე დიდებულად აქვს. გამოირჩევა ყველასაგან... რა დიდებულისა დავით კლდიაშვილი, იასონ ნიკოლაიშვილი და ლადო დარჩინაშვილი. სამი უმნიშვნელო პიროვნება. - დიდებულია, დიდებული! - ამბობს ის. - ფოტოგრაფო, მე შენ შემოგყურებ, - ამბობს აკაკი სვანი. - ხონის პროლეტარიატი ინევს, რათა ჩაეხდეს ბრძოლაში, - ამბობს ილია ბახტაძე. - სოციალისტების არა მჯერა რა, - ამბობს ია ეკალაძე. - დოვუსტინო? დოვუსტინო? - გრიალებს ნემო.“

- თხზულებანი, ბატონო, თხზულებანი! - რატომღაც გაიძახის თეოფილე ხუსკივაძე. რას ამბობს კონსტანტინე გამსახურდია? რას ფიქრობს ნეტა ჯაფუ ჯორჯიკია? რაზე ოცნებობს დათიკო მეტუკე? რა მიზნებს ისახავს მომავალში ლელიკო ჯაფარიძე? ვარლამ რუხაძე? ვეშაპიძე? ტიტია? მაშინ ხომ ტიცინი არ ერქვა“. „ყველაზე უბრალოდ აქ მე ვარ ...“, - დანერა მოგვიანებით გალაკტიონ ტაბიძემ.



გალაკტიონ ტაბიძე დიდად აფასებდა ჩვენს თანამემამულეს, საქართველოს სახალხო მწერალს დავით კლდიაშვილს და მის შემოქმედებას, მის ოჯახს...

იგი დავით კლდიაშვილზე წერდა: „როდესაც ხელში ვიღებ დავით კლდიაშვილის ნიგნს, არ შეიძლება გავიფიქრო: აი, კლდიაშვილი, განუყოფრებლად მეტყველი, თავისებური კოლორიტით მწერალი... რომ დავით კლდიაშვილი არა, დაუხატველი დარჩებოდა მსოფლიო ლიტერატურაში სოლომონ მორბელაძე. ვერცერთი მწერალი ვერ მოისაზრებდა გამოეხსნა ბეკინა და ერთადერთი მთელ შავიზღვისპირეთზე დარისპანი, რომელიც მოგზაურობს თავისი ურყევი მიზნით... რომ დავით კლდიაშვილი არა, დაუხატველი დარჩებოდა კაროუნა, მშვენიერზე მშვენიერი კაროუნა...“

გალაკტიონ ტაბიძე და ნუცა (ნი-ნო) კლდიაშვილი (დავით კლდიაშვილის ქალიშვილი, სიმონეთში დავით კლდიაშვილის სახლ-მუზეუმის დამაარსებელი და პირველი დირექტორი 1976 წლამდე)



# „იმერეთი“, „საპოვნელა“, „ჯეოგენი“ ...

თერჯოლის ამ ქორეოგრაფიული ანსამბლების სახელი კარგა ხანია გასცდა ქვეყნის ფარგლებს. სხვადასხვა საერთაშორისო ფესტივალებსა და კონკურსებში მონაწილეობამ მოუტანა მათ წარმატებები, აღიარება და ახალ-ახალი მიღწევები.

ანსამბლების სამხატვრო ხელმძღვანელის გოჩა ჭანკვეტაძის, ხელმძღვანელი ქორეოგრაფების: ირინა ბუცხრიკიძის, გიორგი და თამარ ჭანკვეტაძეების მაღალი პროფესიონალიზმის და პასუხისმგებლობის, მუხლჩაუხრელი შრომისა და ხელოვნების ამ უმშვენიერესი დარგისადმი უსაზღვრო სიყვარულის შედეგია სწორედაც, რომ მსოფლიოს სხვადასხვა ქვეყანაში არაერთგზის გაუღერდა საქართველოს ამ პატარა და კოპნია რაიონის, თერჯოლის სახელი... ანსამბლებისათვის სხვადასხვა წლებში მინიჭებული ჯილდოები კი სამუდამოდ შემორჩება ჩვენი მუნიციპალიტეტის კულტურული ცხოვრების მატრიანეს.

ანსამბლების თავდაუზოგავი მუშაობა ახალი მიღწევებისათვის გრძელდება. ამის დასტურია თუნდაც წლებანდელი ზაფხულისა და შემოდგომის არაერთი ბრწყინვალე საფესტივალო თუ საკონკურსო გამოსვლა. მხოლოდ რამდენიმეს შევახსენებთ ჩვენს მკითხველებს: თერჯოლის სახალხო ქორეოგრაფიული ანსამბლი „იმერეთი“ ერთადერთი იყო, იმერეთის რეგიონიდან, რომელმაც საქართველოს ფოლკლორის ცენტრის მიერ ორგანიზებული ფესტივალის გალაკონცერტში მიიღო მონაწილეობა. კონცერტზე, 27 აგვისტოს, რუსთაველის თეატრში „იმერეთის“ გამოსვლას უამრავი აღფრთოვანებული მაყურებელი, მათ შორის კულტურისა და სპორტის მინისტრი ქალბატონი თეა წულუკიანი აჯილდოებდა აპლოდისმენტებით. დიახ, იყო აღიარება და ამის დასტურად ანსამბლის სამხატვრო ხელმძღვანელს გოჩა ჭანკვეტაძეს ოქროს მედალი და საპატიო სიგელი პირადად მინისტრმა გადასცა.

მანამდე, ზაფხულში, ბავშვთა ქორეოგრაფიული ანსამბლები „საპოვნელა“ და „ჯეოგენი“ მინვეული იყვნენ ქობულეთსა და ბათუმში ფოლკლორის საერთაშორისო კონკურს-ფესტივალებში მონაწილეობის მისაღებად, იყო წარმატებული გამოსვლები და უამრავი ჯილდო და აპლოდისმენტები. ქობულეთის საერთაშორისო ფესტივალზე მაღალი დონის გამოსვლამ „საპოვნელას“ პატარებს ფესტივალის ყველაზე მაღალი ჯილდო—გრანპრი მოუტანა.

თერჯოლელმა მოცეკვავეებმა მონაწილეობა მიიღეს აგრეთვე ტელეკომპანია მე-12 არხის მიერ პირდაპირ ეთერში გამართულ კონკურსში, სადაც ჟიურის შემადგენლობაში სხვადასხვა ქვეყნის წარმომადგენლები იყვნენ. „საპოვნელას“ გამოსვლა ერთ-ერთ წარმატებულად შეფასდა.

აჭარაში გატარებული დღეები ულამაზეს მოგონებად დარჩება ანსამბლის თითოეული წევრის ცხოვრებაში.

ამ ზაფხულს ანსამბლები „საპოვნელა“ და „ჯეოგენი“ მინვეულნი იყვნენ სერბეთში, ფოლკლორის მსოფლიო კონკურს-ფესტივალში მონაწილეობის მისაღებად, მათი საუკეთესო გამოსვლა ანსამბლის სოლისტების ნიკოლოზ და გენადი ტოფაძეების და ნინო ოდიკაძის ფესტივალის პრიზებით დაჯილდოებით და ანსამბლების მაღალი შეფასებით აღინიშნა.

ანსამბლები თითქმის ყველა მუნიციპალური ღონისძიების აქტიური მონაწილეა და მათ თითოეულ გამოსვლას, თითოეულ ახალ ნომერს სიყვარულით ელოდებიან თერჯოლელი მაყურებლები, რომელთა იმედეზს ჩვენი მოცეკვავეები ყოველთვის ამართლებენ.

ანსამბლების ხელმძღვანელობა მადლობას უხდის მუნიციპალიტეტის მერიას და საკრებულოს თანადგომისა და ხელშეწყობისათვის.

მზია ცაიფურიშვილი



<p><b>შპს „თერჯოლა“</b>  გამომცემელი: ვალერიან გოგიაშვილი 599 92 49 75  მთავარი რედაქტორი: დავით კლდიაშვილი 599 91 24 14  სარედაქციო კოლეჯია  რეგისტრაციის №53/5/ზ-22      გამოდის თვეში ორჯერ</p>	<p>კორესპონდენტები:  ნ. გამყრელიძე—555 78 08 55  ი. მარუაშვილი—0(491) 22 15 16  ჟ. ცხადაძე—558 90 82 55  მ. ცქიფურიშვილი—555 28 11 41  ელ-ფოსტა: <a href="mailto:gazetiterjola@gmail.com">gazetiterjola@gmail.com</a></p>	<p>აიწყო და დაკაბადონდა რედაქციის კომპიუტერულ ცენტრში  <b>მისამართი:</b>  ქ. თერჯოლა, კოსტავას ქუჩა №2  დაიბეჭდა ქუთაისის შპს „სომელი ენ“-ის სტამბაში  ქუთაისი, ჭავჭავაძის გამზ. №33</p>	<p>ჩვენი რეკვიზიტები:  „ლიბერთი ბანკი“  LBRTGE22,  ანგარიში  GE32LB0113133960124000  ს/კ 231948872</p>
--	---	--	--